

劫餘詩序

詩以老而愈工極之少陵爲詩中之聖太白爲詩中之仙香山爲詩中之佛而不朽盛名皆成於晚歲此非特老其年也閱歷老則更事多發而爲詩知風俗人情之異學識老則見理確發而爲詩有知人論世之才格律老則用筆精發而爲詩得鍊氣歸神之妙雖在斲輪老手原不必以年齒相誇而淵深嶽峙之神吞育海涵之度波譎雲詭之觀非有數萬里之異水奇山數十年之唼風弄月以排宕其胸襟涵養其氣度磨礪其聰明則詩之骨必不堅詩之律必不細詩之味必不厚詩之品

必不高故工於詩者必學隨年進也玉溪先生稟承家
學著作等身已刊蕉窗詩鈔三十六卷大江南北莫不
家庋一編其天分之高學力之富固無待鄙人掄揚今
先生老矣所示近作堅實密栗格老氣蒼合之前刻鴻
詞尤爲樸屬微至返虛入渾積健爲雄九轉金丹一朝
化去信乎老而愈工者矣先生幼承庭訓長擅才名至
老而忽遭浩劫前番梨棗盡沒紅羊茲復檢取燼餘增
以新製刪存如千卷屬余弁言余思崔信明楓落之陰
僅傳五字楊侍讀屏風之句但選十聯約而又約精益
求精三伐毛九洗髓百煉鋼化作繞指柔所謂老而愈

工者不其然乎余詩學遠不及先生而所遭之境所歷
之年有與先生同者爰不辭卑鄙而爲之序時

同治元年歲在元默閏茂應鐘月上澣仁和愚弟沈福
椿西海拜題

齊丈玉溪劫後詩詞序

余與齊丈玉溪十載論交三生結契老蘇前輩况我古
懽大阮舊知呼予小友泉石之性同此疏狂文字之緣
通諸寤寐江柳怨別鷓鴣屢遷浦雲繫懷魚雁多阻譜
遙情以誰寄理墜懼其何從矧自庚辛以還蘇臺旣墟
湖垣旋燼虎餘惕息邊問故人鷗伴凋零半爲新鬼幸
鍾儀之返國留我殘生料王粲之辭家訪君何處去歲
薄游江北始知蹤迹大慰平生子舍相携早離陷阱堦
鄉可戀小隱溪莊寵頽尺書歷溯近狀劫餘身世姑任
蓬飄老去情懷詎甘櫟朽霜蔬半盞味茶轉甘露籐一

枝陟荆忘險間學癡黃之畫偶撫顛米之書人方瑣尾
自悲君且壯心未已於是鷗波招我春風挂颿鷺花遲
人夜月洗瓊彈詞箏社裙屐沓來賭酒旂亭琴尊錯列
喚桃根兮桃葉唱楊枝兮柳枝老夫滑稽不讓髡胡小
子調笑直擬亮瑜一時留鴻爪之痕千古記魚灣之勝
出示劫餘詩詞二冊備言艱苦如披流民之圖不改狂
癡重譜豔禪之曲杜陵遭亂大有篇章庾信憂時儘多
謠詠一牕風雨小住爲佳萬紙烟雲長歌當哭宋遺民
樂府有此悲涼晉處士清談同斯寄託至或度詞浣露
冷語披煙南軒賦梅鸚硯滌雪東籬歛菊鸚榼泛霞將

良友以肯來得古人之真樂又若秦樓畫扇楚館題裙
仙文可招何妨携手名流所到甯費纏頭斯又借脂粉
以曠懷假管絃而示達也嗟乎高年六十已是再生浩
劫三千未容一死有情歲月儘解留人無用文章祇堪
壽世開函三讀爲序一言殊令人憶媿庵浣花而含痛
久之

癸亥清明前三日杭州世姪高望曾拜序於魚灣舟次

齊玉谿劫餘詩選序

儒爲世釋爲劫道爲塵言劫固始於西土也有一劫有三劫有四劫有九劫有十劫有三十一劫有九十一劫有百劫有千劫有四萬劫有千萬劫從劫到劫總之名爲浩劫隋書經籍志云每劫必有諸佛得道出世教化其數不同今此劫中則有千佛意者唯佛能應劫而生耳彼神仙尙難逃五百年之劫何況乎人異哉吾玉谿之獨不畏劫也異哉吾玉谿之不畏劫而反以詩鳴也吾與玉谿爲兩世交未劫以前吾不見玉谿旣劫以後吾甫見玉谿而玉谿老矣玉谿告吾從劫中來蕉窗詩

已遭劫無有存者而吾胸中之詩則歷劫不壞也於是毅然決然選劫餘詩梓以問世凡五年成若干卷噫吾未讀玉谿劫前之詩是吾之憾憾其不獲與玉谿聲應氣求也吾得讀玉谿劫後之詩又吾之幸幸其竟獲與玉谿更唱迭和也玉谿今年七十有一僑居邗上自號天然頭陀人視之亦儼然老衲於詩有禪意無拘牽塵俗之態謂非前身自金粟界種出善根亦烏能過此大劫歟玉谿索吾論詩吾仍與玉谿言劫玉谿超乎劫外玉谿其殆已入箇中云

同治癸酉年孟秋之月定遠方濬頤

序

外舅玉谿翁劫餘詩選將攻梓枉書命序昌遂自竄跡
草萊形骸鄙穢神志荒杳木石爲偶罔兩與語如蠶已
蛹胡可以絲化雉爲蜃詎聞有鷺以翁不朽盛事而俾
冥頑之夫爲說介首異矣子夏曰詩者志之所之也揚
子云序者所以見作者之意也昌遂暗若寒蟬而心習
翁之旨趣呻吟吟嘖矢口能兒石鼓非桐魚不響寶劍
得鵝膏乃耀探喉欲出豈復能已慨自輜軒罷使樂府
闕官世之爲詩者上焉備體臺閣鋪禁揚藻拘束聲律
下則才人門靡鏤雕心腎刻鏤物狀伎巧所臻造化不

能預其形昆侖不能遁其範然不過成爲文之一體藝
之一端求所謂頌善醜洩哀樂止僻防邪有益生靈則
未之有真西山曰工則工矣於世道未有云補信夫翁
則不然方其少時衣蜂窠難避杖全恩昆弟無閒宗族
交稱此翁之庸行也比其壯亢顏公卿之席雜飲屠沽
之閒黃金滿前目不一晌娥媼同寢僵如鐵石此又翁
之奇也及其衰齒陷身虎穴氣吞舌擊巨石碎首督井
投身白刃叢雜彈琴自若脫帽剪髮不忘 本朝此
又翁之大節也翁具此數大端發而爲詩故一本性情
都無緣飾溫柔敦厚翁於聖訓而此集又託始喪亂仲

宣七哀之作子美北征之篇尤足俾覽豪觀感婦稚忻
戚其間或涉史事微辭隱揚間作諧語等諸譎諫則悉
從善惡之好惡無彼此之是非也乃若體格之高下字
句之工劣擊今較古比長量短子建所謂要之皓首豈
今日之論允哉其言昌遂之瑣瑣何敢及此然能引作
者之意而申之竊謂不悖爾雅序緒之訓也

同治癸酉文登于昌遂謹序

題辭

通州丁 灑 月湖

塞翁失馬不須歎進步何如退步寬萬卷圖書雖付劫
一家眷屬喜重圍花生口吻春常好淚灑吟箋墨未乾
讀到借船夫已氏人心險處勝波瀾

脫身虎口避兵戈小住魚灣隱薜蘿好遣酒懷寬歲月
更教詩膽壯風波故鄉景物拋難割亂世文章哭當歌
一字一珠頻擊節悲涼滿紙耐吟哦

靜海 陳煥文 後山

小住魚灣覓賞音一編示我語深沈幾同杜老江頭哭

不減靈均澤畔吟奇險人心鴟毀室亂離身世燕巢林
荒臺舊苑休回首且遣琴樽暢素襟

方外空恬蘭溪

珠圓玉潤木光明粒粒金丹九轉成險語飛來教鬼泣
牢愁怒發恐天驚高山有月雲何礙大海無風浪亦生
前世是僧今得證詩敲一字一鐘聲

溧陽芮德薰蒼園

兩袖清風兩鬢絲依然故態認書癡前因不昧三生石
長物惟留數卷詩米老與酣閒潑墨張顛意到便臨池
及身早定千秋業儒雅風流是我師

膠西冷金藻 麗生

歸然驚拜曾靈光

時相語於廣福寺中君以禪喻詩獨

得真諦

通釋通儒真智慧如江如海大文章鑄金擬誦千

聲佛得寶常懷一瓣香

承惠佳什數章超渾精鍊欽佩莫名

愧我塵緣苦

羈紲何時詩境悟滄浪

洞庭席兆麟 子書

偶然蒙顧盼閒話客窗寒詩卷出懷袖才華見肺肝不

堪今昔感深喜去來安慷慨平生事青衫淚未乾

績溪胡澍 碩生

邂逅江南老畫師才名蚤動故園知

文徽產僑寓於吳

亂離何

題辭

事能消遣且補從前未作讀詩做詩

叢書彙帖都流水

所刻壽鼎齋叢書寶

周鼎商彝盡劫

灰

家藏三代彝器均遭銷毀

賸有秦壺與漢壁

北渡時祇携得秦丞相府銅漏壺一漢玉

一伴將詩藁過江來

陽湖

龔丙吉

少卿

滄桑劫後始重親回首淮堧白髮新慘澹湖峯七十二

山靈呵護一詩人

纔整囚門度玉門又題鴻瓜遍江村狼山樓閣崇川月

都是蘭成血淚痕

西瀛東屯到處家青山何處邵平瓜樽前各有傷心淚

灑向汀洲躡躑花

邦左
李宣樹 承白

移家小住賣魚灣
窗列崇川五點山
慷慨心思原有寄
亂離身世本宜閒
滄桑一任恒沙劫
詩酒聊舒壯士顏
回首星江釣游處
不知天遣幾時還

珠玉紛紛落九天
斟唐酌宋短長篇
一朝文字開風氣
百世勲華耀簡編
吾輩幸逢青眼客
君身本是紫霞仙
名山著作空今古
豈讓蘇黃李杜傳

吳山越水發清吟
柳雅韓碑愜素心
詩到遺愁神鬼泣
地緣避世薜蘿深
蘇門阮籍舒長嘯
海上成連抱古琴

儂是邗江垂釣者騷壇可許訂知音

銅琶鐵板大江東塵世榮枯一曲中豈必彈冠猶貢禹
不妨危膝似張融行藏久繫儒林望談笑俱存長者風
從此新知成舊雨還家準備寄詩筒

海天悵望獨徘徊舉世誰爲柱石才千里烽烟乘勢起
一船書畫過江來黑風捲水魚龍鬪白日沉山猿鶴哀
怨角悲笳聽不得且隨知己玉鐔開

髮白衫青汗漫游情懷抑塞幾經秋才關社稷非終老
手挽江河欲倒流奇語盡從天外得解人須向箇中求
蕉窗一管淋漓筆寫破英雄兒女愁

仁和祝曾雲蓮舫

五百年來見劫灰江鄉憑弔有餘哀東南王氣銷磨盡
莽莽河山感霸才

書生孤憤氣難平罵賊常山舌與爭博浪奮椎忽飛轉
頭顱真是鐵錚錚

折葦浮杯渡海東漁灣小隱走吟筒壻鄉應比家鄉快
高築詩龕住遠公

陽羨田園賦子虛圖書彝鼎嘆焚如獨留健筆成詩史
題滿天空海澗居

翁獨在吳有齋名曰天空海澗之居

永康應寶時敏齋

久來海上訪成連，重遇當年下水船。
老去禪心歸正法，劫餘詩集抱斜川。
滄桑眼底皆經過，邱壑胸中尚隱然。
多謝江郎貽綵筆，龍蛇滿紙走雲烟。

秀水 陳鴻誥 曼壽

一枝健筆鬼神驚壇坵東南作主盟舊葉同遭秦火劫
丈前刻有蕉窗詩鈔余刻有味梅花館詩稿板片俱毀於兵火新詩半帶楚騷聲杜陵
律細難爲繼白傅篇多孰與爭著作千秋名萬世願爲
真不負平生

南昌 張 璣 子剛

玉谿先生名下士白鬚滿領髮垂耳瘦如黃山頂上之
古松澄如石梁百尺之寒水豪情不減李謫仙苦吟或
過杜子美千磨百折身尚存老骨孤撐健自喜可憐辛
苦賊中來我聞迎門忙倒屣把臂論心慨以慷拔劍斫

地時復起揮毫贈我瑤華篇三復真同飲醇醴詩人自古多奇窮君固懷才吾敢比世事浮雲何足言有酒不醉真癡矣

上海 葛其龍 隱耕

乍逢玉谿叟快讀劫餘詩戎馬開奇境江山鑄偉詞悲歌離亂日作頌中興時此筆今誰敵騷壇仗主持夙昔承家學雄才四海傾業能光祖父名早動公卿迺簡存知己題襟續舊盟何須問窮達詩酒足平生遊徧江南北青山望不遙揮毫追玉局灑墨滿金焦月影紅橋舫風流白石簫聯吟多勝侶到處仰清標

頭陀名固當面目自天然翁自號天然頭陀石上悟塵夢花前

參豔禪縹緲千古定衣鉢一家傳佳見佳婦並能吟詠我欲鑄金

事相逢有夙緣

玉谿吟次以劫餘詩選見贈奇偉之氣簡遠之筆兼而

有之再疊前韻以誌心服婺源余鑑鏡湖

新編示我劫餘詩家學謀承燕翼詒三世詞人惟硯在

丈有風字硯家藏舊物兵燹一經舊德勝金遺自攜東

後於市中得之作還硯歌野雪冰卷不盡少陵雲樹思開道劍南身且健秋風白

帝放船時聞丈有秋後入蜀之語故及之

海上何人識寓公揚州杜牧共尊崇丈在揚州與當道諸公時相唱和

間情楊柳樓臺外清思梅花明月中君自瑰奇企淵穎

我從簡遠想安豐况兼叔重聯吟妙已是詞場角兩雄

夫與許叔平明府多聯句體叔平亦子箴都轉幕中詩友也

天涯鴻爪我相伴同是東西萍梗浮白髮江湖成市隱

青山兄弟有詩酬吟多五字追韋柳交訂一生幾點求

斗室天空與海濶文齋名天空海濶之居知君寥廓日神游

天遣驪壇作隱淪不教廊廟累詩人一篇寄妙情文至

數藝課兒格調新劫火未銷金石癖大風好金石家藏最多遭劫後猶倦

念不清流久滌綺羅身丈兩代仙官無官場氣遠公再世君應是

禪意詩懷無點塵丈自號天然頭陀作詩願得禪意

四明蔡鴻鑑李白

海澗天空處龍門獨鬼然丈顏其所居曰任懷顛米老

丈自號在家顛和尚豪興逸蘇仙劍氣冲霄碧虹光貫月鮮悲歌

無盡意珍重劫餘篇

一代此通儒才名偏字區著書忘歲月丈著書多至數十種近刻見聞

隨筆尤盛行於世托跡半江湖畫筆老逾健禪機豔不枯丈有

圖一時諸名士題者盈軸靈光猶在望大雅倩公扶

來安孫照子明

自瞻道範十餘年未得追隨總惘然海內聞風皆景仰
門前立雪亦因緣數言堪作鍼砭具一見能教躁妄捐

安得從容隨杖履
晦明親炙勝遺編

庭說王侯士不前
高談雄辨驚華筵
如林著作家風古
不朽文章海宇傳
此老有才兼有德
其人能佛亦能仙
馨香禱祀無他意
惟祝康強年復年

來安

孫點子與

行年七五尚西東
自是人間不倒翁
曾向維揚邀明月
重來海上賦清風
等身著作身原富
此老婆婆老更雄
他日棧雲親領畧
紀遊添得幾詩筒

題跋

上元王章雨嵐

往於丙辰冬始晤王翁請其天空海濶之居几席間拂拂
拂循氣恨相見晚也後見惠蕉窗詩全刻讀次覺語語
真至兵後得句尤哀哀含涕淚音惜余以饑驅不得久
合非庚申吳門乃遭大變因與王翁失泊辛酉秋仲自
舟山航海而滬上而泰州疲於奔命乃適與王翁值奇
矣哉出是編示觀中皆別後作宛然老杜天寶十四年
後所得情文互生妙入無間不可得而贊也王翁由石
港來未幾復歸掇數語以識欣慕焉辛酉仲秋上元王

題跋

章漫書

常州湯祿名樂民

玉谿世叔淵源家學嚮慕深矣嘗以未能親炙爲憾自
遭虎口之餘橐筆江右已卯歲薄游吳門始獲識韓議
論宏通詞章風雅頓消俗塵三斗丁巳歲又復晤於昆
陵匆匆聚首遂賦騷詞經蘇常相繼失陷祿以不得
音耗時切於懷後聞竟厯顛沛幸得脫危今秋辱承枉
顧喜慶重逢相對話故同事欷歔因出劫餘吟稿見示
并囑依和律細格高離騷氣味殆與李杜齊驅幾同蘇
黃并駕且直抒其鬱勃之衷流離之苦宣於言表發於

毫端作者淚隨句下誦者讀不成聲卷開嘆息益覺悽
然祿素不知詩雖未得窺全豹安敢勉爲效顰爰援數
語以誌景仰云爾世愚姪湯祿名謹識時辛酉小春

含山張燮承師笱

曩客吳門前後幾五載長相過從者唯陳碩甫徵君蓋
術同而志合也余性坦率兼踈世故然至美所在如畸
人傑士高文寶器愛之重之不啻出諸已也惜乎所見
不廣相求不殷往往交臂失之如玉谿先生前數年同
居吳下風雅好客竟未嘗一接言笑過從若我碩甫者
豈不惜哉今客石港乃克見之見之而相知遂深聆其



言論誦其詩篇闕見其所蘊蓄有非曲學俗士所可企
者又足幸也嗟乎茫茫浩劫之餘妙思天造浮精世表
優游於騁妍抽秘之場豈庸流俗子所能至哉讀劫餘
一編可以見玉谿矣讀劫餘寄姊一篇尤可見玉谿之
性情之學識之才力矣惜乎吾碩甫存亡未卜不獲一
尊促膝其此論文也同治元年十二月戊戌社弟張燮
承師筠敬跋

山一葉風中旋命薄輕江潭豈不聞坡仙况予遭浩劫

不知其幾千生死置度外性命何足論風波不挂眼高

飛方可憐鍾溪喪我友

鍾溪王少枚全家遇土匪之害

淚落如絲連仰

見初月樓樓空無人烟

石頭橋初月樓吳仲倫先生著書處

倏忽到和橋

月已出東山兩岸焦土塲塲中白骨填族人病欲死

達夫

病危在

裴姬家卧床殘喘延裴姬見我來悲喜言便便四弟六

月至赤脚無衣穿五弟七月逢喪馬手執鞭皆從賊中

出遁迹在山間其餘諸弟妹能否俱保全市屋未全廢

園舍無片甃我語裴家姬小別又經年爾女已長成美

艷顏如蓮當賊初入境何處尋桃源姬曰四月初舟居

隔湖沿自從賊安民乃敢放膽還語竟飲我水間我來
何邊我曰十閱月携家已三遷幼子幸早避未被虎狼
吞飄流五六口現寄東洲村歸來探消息弟妹及田園
問答尙未已燈上報黃昏携童急返舟素月天心縣友
側不成寐呻吟時扣舷早起上街走十室九無椽我屋
百千椽小樓尙未焚樓存主欲去對之心暗煎途遇舊
匠張南村張老
三木作顛茶話片時歡詢知故交友一一皆艱難
乞米米不得求田田已湮復看族人病朝來病稍痊開
口解言語張日疑神魂要我上岸居與我敘寒溫我歸
如逆旅探囊無一錢自愧與爾親不能療爾貧去去勿

復道再結後來緣一篙離里門搖搖馳心神湖山依舊

好樓閣今何存

吾家湖山書畫樓在宜興城內東撒珠巷今為賊目所據

二十二日買棹携箬室陳氏任金寶往江北石港

訪于堦漢卿

昌遂

於暫園作詩紀事

唐生石港回

正月初九日託唐文學送書通州石港探漢卿消息

堦書約我去天

幸不再來

來書中語

催我江速渡我時陽羨返家園散煙霧

有家頓無家飄泊同飛絮不有于堦賢何以慰日暮遲

遲故國心耿耿江南賦舴艋離東洲經行十里許石燕

山邊來淒淒風和雨繫纜對松林人家豐暇豫不似居

賊鄉田園聚兒女水酒任客嘗松柴憑客取一兩三日

留出坎何多阻天霽過賊關百錢買照護須臾到新橋
橋中塞木土舍舟乘輕車向晚江船住風靜江無聲雞
鳴天欲曙好風從南來帆開疾如駛剪江未移時帆卸
收港裏隨喚邵伯船篙工父與子水淺多橋梁行行復
止止三人負繩拖一步一回視裏河千百灣灣灣皆鹹
水忽聞絃歌聲人間有如此辛苦賊中來欣聞吾壻語
舟次北莊門外漢卿見子欣然謂予曰辛苦賊中來登岸親朋逐乍見集悲喜我
女見我來嗚咽淚不止我兒見我來雀躍笑不已外孫
見我來成行跳且舞外孫五男一女友朋慶生還此中良有以
予曰君勿噓聽我說原委去年四月初借船夫已氏言

定三日還一去不復返累我陷危城萬死不得死生死

命爲之呵護豈神鬼當賊進蘇城旌旗耀黃紫焚掠兼

淫殺死者不知數我時居陋巷耳聞目親覩遇賊必死

三不死亦偶耳一從樓屋推倒在地手足未損二以黃石春腦腦骨不碎三欲弔打剖耳忽聞

廳堂喧鬧六賊驚散因免于難是豈有他哉我死非其地衣食得不虧

遇人皆善類一僧一刻工二僕一林氏廣德州僧金陵刻字者楊敬之

無錫林華氏成兒乳娘小銀錢并食用一一各分饋後

童魏阿喜蕪湖老僕張元吳人蔡蘊三導出城住其家湖田上趙長子之妻劉氏導至陽

得蔡趙唐出險三人濟湖東洲後村住任家唐誰肯露心肝而當艱難際歷歷

文學送書通州石港紀姓名毋忘其高義金石盡棄捐遺像幸未棄負先夫遺像

出蘇城書畫古帖外一二秦漢器余出城獨携書畫古帖

玉一件餘流離困苦中不忍拋書笥筵室無恙存依然

皆不問朝夕侍骨肉重團圓酒肴供飽醉是耶抑非耶相對如

夢寐昨夢從此終今夢從此始欲後留夢痕作詩為夢

記

偶感

積穀為防饑養兒為防老我更立一言養女防亂好養
兒在膝前養女嫁出門出門即他鄉他鄉亂可防兵戈
擾攘際迎養如家常兒生不離膝甘苦同一室一朝亂
兵來父子能不失殺人放火中逃遁迷西東親見人家

子驅去如飄風老父吞聲哭兒去成窮獨始信生女好
生男真是惡

石港贈施魯堂尙膳

未見勞君望相逢驚老蒼鬚眉猶可白詩酒不能狂
梓情何厚兵戈世可傷壯心今已矣切勿問行藏

滄海渺一粟有無何足論賊中得不死局外空圖存籠

處驚堪侶街談蝨亦捫

余素號捫蝨道人曾作捫蝨道人歌以自娛

承君贈

經傳珍重付梅孫

魯堂贈左傳文選兩書即授兒子梅孫收讀

寄懷二弟子弓申江需次九首

自與子弓別經今一載餘天涯各分翼海角互馳書極

目家何處聯牀願久虛清宵憶疇昔嗚咽淚沾裙

久撤星江宅祖居來求陽羨田先人做廬在一壑占風

烟剖劖百千種經營四十年弟兄守世業館住小遊仙

先祖兩峰公所刻杜詩本義三晉見聞錄雨峰詩鈔先

父梅麓府君所刻胡雪蕉水部龍尾山房詩存北極經

緯度分表新測恒星黃赤經緯度表北極高度表松雪

齋墨刻法帖石條板片陷宜與城東撒珠巷春暉堂湖

山書畫樓裝刻先祖手著古文一冊思補齋日錄一冊

重刊三晉見聞錄一冊詩鈔二冊制藝二冊先父文鈔

三冊詩鈔四冊詞存聯存一冊賦鈔一冊試帖一冊蕉

窗詩鈔六冊三十五卷同人酬贈集二冊十卷蕉窗賦

存一冊壽鼎齋策書畫圖題詠十六卷寶稷室墨刻法

帖序跋一卷玉溪書畫題跋一卷錢冬士詩鈔六卷嚴

問樵詩詞存二卷摹勒寶稷室墨刻古今法帖二十四

冊重刻北宋真本李北海法華寺碑一冊蘇文忠公自

畫小像石刻黃文節公畫像贊并題跋一巨冊先君遺

像石刻題贊石刻先君臨柳遺墨石刻唐石佛八焦山

圖詠石刻先君焦山倡和詩石刻董題戴畫大士立像
石刻一座先祖先父遺墨名雙谿草堂墨刻九冊裴臨
各家書名雲起樓墨刻六冊石條板
片陷蘇城友來巷天空海濶之居

驚籠許彥別業構蘇臺離却仙人洞貪尋鄧尉梅笙

歌消永晝書劍下深杯醉覆姜家被詩懷日日開
余於道光

乙未寄居綏安山中雲留軒庚子出山寓

居蘇臺三太尉橋後遷麒麟巷友來巷

城陷兄隨陷感時心痛傷一家見四口
余與造室陳氏三弟與幼姪

十月遷三鄉覓弟弟不見歸家家已亡荒烟縈白骨臨

去復徬徨
庚申十一月二十二日出城往湖田蔡蘊三家十二月二十二日往陽湖繁背村住二日

往東洲後村任家過年辛酉人日往宜興和橋訪諸弟
妹不見城中春暉堂久為賊據和橋坊店房屋盡為土

匪燒毀一片荒烟蔓
草間纍纍白骨而已

流離逢暮齒衰病歷刀兵萬死竟不死餘生真再生晨

鐘敲夢醒紅日照天明一切皆堪捨難忘是弟兄

江南無我土負像到魚灣篋室仍爲伴嬌兒依舊頑朋

來知弟妹夢去繞雲山相見在何日徒勞書往還

今年正月

二十二日携先大夫遺像往石港寓公施魯堂次子竹

寶服買上洋與子弓寫及因得弟妹消息代爲傳書得
慰我懷

寒暖須加意烟霞合去心休論豐暇豫勿負去來今作

吏無高下交朋有淺深清勤兼慎敬牢記四言箴

明年兄六十老朽竟成翁每食齒作梗聞行背輒弓雖

然髮似鶴尙喜顏猶童竊慕康衢叟長懷太古風

帝德同天地荆榛雨露滋將軍歌解散

時會制軍出示解散歌通告難

民之從賊者亦正赤子活仁慈仰見妖星落俯觀禾稼

本清源之一法也垂肅清還故土携手更怡怡

四月十三日石港買舟往靖江赴許荀仲刺史

美

身之約紀之以詩

去年四月與君別烽火連天共愁絕金闔重地等間拋
世事如斯那可說賊至六門皆大開天明鼙鼓鑿鑿來
我陷城中八閱月萬死不死真堪哀長毛嘯聚動無數
殺人焚掠親目覩潛居陋巷兩三椽對月懷人淚如雨
劫餘何事消晝長拂拭瑤琴仔細張彈不成聲抱琴哭

人琴不識誰先亡賊忽奪琴不知處更覺清寥難久住

天寒歲暮雪花飛負像携書出城去先祖遺墨先君寄遺像携以自隨

寓湖田一月餘風風雨雨愁騎孤飛來一舸從天降滿

載難民過瀟湖余携老妾老媽以及孤寡難民入口過瀟湖各送還鄉東洲後村

度殘臘雞豚大嚼酒狂呷元旦家家競出行村姑里婦

花鈿插今年人自歸義興故舊零落如晨星田荒屋廢

弟妹散歸家人化一浮萍無可如何過江北賣魚灣前

住甥宅石港于壩漢卿宅天憐老朽遭流離不使甥歸大水泊

漢卿家文登縣大水泊父女母子舅與甥骨肉重圓悲喜并樽酒

聚談呼舉燭園亭散步聽吹笙眼前聞見渾疑夢旅思

鄉心總難送月餘忽地來故人報道錢唐許荀仲荒荒

世亂寡朋儔海風吹到沙棠舟促膝水窗談往事傷心

故國付東流食難下咽留餐飯約訪龜年夜將半海陵

未暇從君行東厰又來將我喚荀仲約赴江東厰同聲同氣相

應求何妨十日平原游格苗須習干羽舞求友難忘中

外憂年將六十吾老矣萬言不及一杯水去春曾擬吳門防堵論畧

一篇當輜稱善而不能用而今已矣勿復言數郡一州棄徹屣唐時

李白訪宣平仙踪未遇空留名綬安書生逢許彥借處

鷺籠挈以行我今赴約尋老許得見欣然否亦喜子猷

訪戴例久成乘興而來興盡止裏河河水千百灣篙師

力竭心膽寒風雷雨電日復日人間惟有行路難

石莊道中

海風江雨打孤舟行到石莊憶舊遊
破甕終朝燒濕葦笑同玉局在黃州

四月十七日訪荀仲於靖江不遇返棹過尋賦詩

遣興

昨日作詩成讖語得見欣然否亦喜
今來東廠君果行何殊李白訪宣平
細思是翁非隱者宦游不出轅門下
士爲知己死且甘豈惜窮途走牛馬
登舟不顧打頭風急令篙師行向東
無錢無米且勿問有花有酒定相逢

雉水狼山路尚遙孤舟何以永今朝龍門尚得瀉娛侍
王子空憐桃葉飄無聊且把書遮眼老妻王孫慙一飯
不忍豬肝累友厨甯安馬齒終物館大波軒然無際涯
茫茫四海我無家低昂天地一何窄一粟難容堪歎嗟
春去江南花寂寂落紅滿地何人惜一腔熱血向誰啼
夜半聲聲悲子規

朱孝烈女詩八首爲許蔭庭太守作

有序

朱氏女世爲靖江望族隨母寄住武林許

越身

蔭庭太守聘爲繼室賊犯武林未嫁而殉難蔭

庭如例請旌立傳徵詩作此以報

女家在靖江隨母武林住賊犯武林門扶母出城去

出城城已破扶母歸故宅道逢中表親

李蔭亭

脫簪寄江

北

既寄一金簪復寄玉約指式如玉如金珍重囑許子

生受許氏聘死爲許氏鬼女身投井中女魂歸許氏

母側不忍離賊至無生理女死猶得生女生真箇死

投井死何奇奇在賊未至君子防未然嫌疑急須避

入夢事何奇奇在同夢耳拜姑復見夫依依泣無語

生雖未同室死定期同穴可以慰女心楔綽表孝烈

六月十二日王壻仁庵

瑞麟

別我返伍祐塲詩以

勗之

三年不相見相見在魚灣悲喜忽交集舅甥同賦閒無
家長作客有室合知還臨別心如醉微軀漸老孱
爾年將及壯世事要關心烽火望不極江河日以深民
生先國計鐘鼎起山林快把牙琴奏人間有賞音

宴安真鳩毒努力少年時勿以烟霞癖而忘日月馳窮
愁增意氣憂患立根基遠大前程在聞雞舞莫遲

我適海陵返爾從淮上來清談剛一月又見布帆開聚
散憑春夢安危付劫灰片言報吾女歸省勿遲徊

大寺中拜畢梧坪茂才

以煇

靈樞哭之以詩

我來君已往翹首望雲天世事與誰語兵戈空自憐一

棺積古寺四律憶遺篇格坪賦春柳七律四首甚佳和者甚衆賴有甥詩

在千秋定可傳于漢卿語坪之外甥哭其舅氏詩三十首情真語摯必傳之作也

老去成何用臨風涕自潛餘生逃虎口後死寄魚灣形

久同枯木心猶戀故關思君不可見曳杖北莊還

海陵小有天園看雙鶴感作

仙禽豈亦慕翰軒底事羈栖在小園懶向雲霄舒羽翼

甘同雞鶩囿籬藩啄苔履石全無悶戒露呼儔尙有言

見客舉頭如舊識雪飛蓬集舞翩翩

十二月十三日丁月湖施薇賓陳篠山馬子良四

君過暫園月湖贈詩四律次韻奉酬

劫餘猶是苦吟身怕染寰區半點塵
世事到頭皆幻夢友朋經亂幾完人
孤舟淚灑漫天雪寒歲梅開大地春
寂寞江鄉誰過問舍南舍北數鷗親

題梁子善

寶森

觀察自鋤明月種梅花圖小照

天上何時無好月人間到處有寒梅
東南半壁皆烽火祇合携鋤畫裏栽

萬事求人總是難自鋤自種自盤桓
後人知否圖中意求已須當作是觀

壬戌正月初旬接讀滬上蔣劍人

數夏

秀才辛酉

十月手書寄詩六章

身外空餘筆一枝光芒萬丈世人疑少持衣鉢逃於佛

劍人少曾事佛剃髮為僧人呼鐵岸和尚老奉頭顱贈阿誰來書云一顆老頭顱不知何處

奉頻發憤言天亦忌劍人前後著憤言各六篇皆已傳世半生心事劍都

知兵戈擾攘無安土辜負奇才用事時

雲中一雁忽飛來離別相思字字哀四海爭傳脩鬼志

劍人手著孤筇慟哭釣魚臺劍人庚申五月登嚴禰衡子陵釣臺慟哭而返

悲憤三搗鼓李白飄零獨舉杯感舊編成忠義傳劍人手著

銘東屏觀察錢叔蓋處士殉難忘子鶴與妻梅來書云

難本末兩君皆劍人故交也遊杭與東屏小蓉雨觀察錢叔蓋范穉禾諸人日泛西

湖之舟去年二月朔日猶共探梅孤山之麓不料頓遭

劫餘詩集 卷一 七

兵燹東屏忠臣叔蓋義士斬釘截鐵一死報國可謂爲
湖山生色爲吾輩生色已各爲書其殉難本末老兄固
之亦當稍慰
山陽之感矣

江湖野老發悲歌天下句句可奈何方寸心丹懸日月

萬言書秘避風波

來書云聞吾兄有近作詩數十百首元道州春陵杜拾遺諸將必不專美

於前夏亦有避兵紀事詩一百韻及今樂府諸作悲憤填膺不覺言之過當又著後憤言三篇萬言書一冊綜論天下全勢大局用人行政及一切戰守方畧知當事必不能用吾以此秘不示人或有一二同志索觀聊復宣露俾後世天胡此醉容豺虎民不聊生遇鬼魔賴有知吾心耳

劉侯能禦寇

上海縣令劉公松巖屢集衆庶同心擊賊賊退數十里上海城由是解圍神民賴之

身先士卒獨操戈

回首吳門憶昔年與君朝夕拂吟箋天空海濶居無恙

月白風清客有緣短句偶題唐石佛

先大夫送唐石佛入焦山張茶農解

元繪圖裴曾勒石久已傳世

長歌同媵宋坡仙

余刻東坡小像於石作歌送東坡遺像還

出劍人次韻和之

而今都付紅羊劫一說江南一點然

民團戢守費經營事不從心拂袖行

來書云新安送吾師張小浦副憲回

籍補制即同楊詠春觀察歸吳辦團

滄海波瀾歸大作

事不如意至明州分手渡海回滬

竹林風雨度餘生

劍人寄住竹林庵

且圖他日重相見邊計干

秋不朽名

來書云世事反覆尚未可料不死或再與故人聚首死則身後名互相託也可小病率泐

此書道路若通再布腹心伏惟著述保護動止保護不盡

快覓名山藏著述東南半

壁未休兵

一笑人間萬事空死灰枯木兩人同蓬頭椎髻貧猶幸

地角天涯恨不窮我念空山捫蝨與

劍人有空山捫蝨圖

君懷石

港賣魚翁中郎已杳知音少誰識琴材到爨桐

三月十九日同了月湖馬子良王涵如諸君遊山

遠眺感作追和文信國公石港詩韻

故土今何在携筇此間遠江淮猶有賊朝野豈無人鳥
噪如迎客花飛又送春憑高堪縱目一水綠鱗鱗

偶成追和文信國公石港詩韻

終日山巔與水涯舊游還憶玉鈎斜問余勾當平生事
不伴沙鷗便侶蝦

題朱笛樓讀書圖

心之澹露湛湛心之靜井水定心之清山泉澄心之通

瀑玲瓏

笛樓自題云我心本泊然直似一泓水無伎復無求澹定渾如此

借問君心何

能伏終日伏案把書讀讀書明理心自束心束自不事

爭逐翁子讀書四時樂孟子養心善寡欲知止兮不殆

知足兮不辱終其身兮歸真而返樸使君使君今顏觸

三月二十三日丁君月湖邀同馬君子良泛舟崇

川游狼山作詩一首以紀其事

月湖游興發邀我來崇川舟從石港開遇雨泊河沿三

人促膝談夜深猶未眠不知身在客一笑參豔禪

天明鳥喚客村店聞喧譁維舟問何事上岸買青蝦彷彿

佛文信國一葉落天涯迢迢七百年風物終無差

薄暮泊城南雨止欣晚晴竹林何幽邃求友鳴春鶯竟
夕不成寐欹枕聽柝聲三甌小團月策杖向山行

行倦坐籃輿非是學彭澤入社不攢眉芥公稱詩伯飲

虹瀾水清煎茶供渴客茶量笑盧仝七椀喫不得庵提

舟閣土工詩
頗有道氣

松岡蒼翠滴直上大觀臺滾滾長江去滔滔碧海來英
雄淘易盡終古恨難裁萬里望不極心胸到此開

人言上山遲不如下山疾老人則反是下山愈戰慄問
其所以然目昏足易失縱無濟勝具好游如食蜜

下山望三墓

駱賓王金將軍劉處士

欲訪日已晡
遍觀諸石巖處

處入畫圖昔名千人洞
今作乞丐廬峭壁肖天平
令人

思古吳

歸途興尙豪一步一回顧
轉瞬白雲封翠微不知處似

聞山靈笑福地忽然去拱手謝山靈
秋高再來住

回舟雲復合雨意欲催詩
數點打篷響聲聲如敲碁
剪

燈說見聞笑傲成顛癡
合作同舟圖無忘風雨時

萍水偶相逢殷勤將酒送
一杯勸一杯醉倒畢卓甕不

作入世想端做還鄉夢
醒來酬小詩諸君請題鳳

狼山觀海歌

君不見今之天下皆滔滔豈止滄海驚波濤望海樓頭
一縱目雪山萬道飛寥廓百怪出沒蛟龍游排空海市
連層樓中有三神山綽約多仙子欲往從之不可抵弱
水隔斷三千里無端滄海成桑田倏忽桑田變滄海海
濱保蟲鬪不已近聞賊潰回紇矢江淮保障許與張滬
鎮支持卽和李吳越已驚雙鳥飛海陵空見五山峙曩
日材官不畏死東南半壁何至此手無斧柯誅鯢鯨徒
仗毛錐建義兵安能鬱鬱久居此坐視狂寇傾人城腐
儒呻吟天應泣天亦胡爲而此醉海內何時慶又安天
涯此日悲多事昨夢騎龍騰九天接踵盧敖尋軒轅左

把母陀臂右拍洪崖肩
驂鸞駕鶴來羣仙仙之人兮顏
如蓮朝叩玉京闈不納袖章欲奏誰其傳徘徊雲路不
能去下視塵海茫無邊又夢隱處澗谷事耕讀三餘自
足讀書樂傳家著作堆如山千古不磨旨天傳六朝金
粉化烽烟汗牛充棟全無著莊周蝴蝶正蘧蘧山寺晨
鐘敲夢覺天風浪浪海山蒼蒼成連何在素琴獨張恨
知音兮難再遇茫茫大海歎望洋

劫餘詩選卷二

婺源 齊學裘 子治

直心道場圖贊爲漢卿作

慧圓頭陀現身說法直心道場超度浩劫我本顛僧歷
劫萬千無知無識何敢多言頭陀強之聊述見聞是讚
非讚不知所云且莫談道先與論心正心脩身仁心立
德實心行事虛心受益小心涉世堅心拒賊熱心濟人
冷心照寂平心接物靜心制敵精心達理妙心明權不
以物害知人知天瓦礫說法乾矢說禪道無不在頭陀
慧圓慧圓頭陀直心證道心以直用道自在抱抱道何

居居淨土場一塵不染光照萬方世人日墮直爲人惡
舍直易曲道場得趣我聞斯言大笑不已曲士語道非
蛙語海四大皆空四相安在撒手行來虛空粉碎心原
太虛道乃坦途摩詰無言拜倒文殊一切放下何有何
無廬山真面豈在畫圖圖灑多事讚亦無須貪瞋癡愛
四疾掃除心無罣礙道自如如慧圓頭陀轉語請下大
棒當頭顛僧不怕

壯士行贈于閑庭 贊太守

古來所貴奇男子讀破萬卷行萬里時平霖雨潤蒼生
世亂弓刀衝賊壘成敗利鈍聽之天臣盡臣心而已矣

書生戎馬豈素諳有仁者必有勇耳于君生長在世家
自幼心知食肉鄙下帷讀書一十年有懷投筆拂袖起
丈夫安肯事雕蟲志在四方良有以乾坤滿眼盡瘡痍
東南狂寇如螻蟻男兒用事正此時殺賊安民歌奏凱
十載從軍立戰功百丈懸崖墜不死心能無懼身自強
何須呵護煩神鬼皖南賊滅來吳陵于役秦中籌餉米
飄然一騎往復還又向上洋辦軍器江心遇盜兩三番
談笑却之盜潛避倘非胸中富甲兵指揮何得都如意
披堅執銳誰似君帷幄運籌操勝計吁嗟乎擾攘天下
者庸人澄清天下者壯士材官數輩盡如君半壁江山

何至此伊余老朽遭流離一說見聞怒髮指江南東道

全膏腴一朝斷送夫已氏白門秋柳化烽烟吳苑春花

俱鹿豕豈意汾陽失利兵竟煩回紇十餘矢

邇來滬城寶山一帶

全賴外國兵防堵

不日降旗出石頭元戎前隊金陵抵

聖

明在上百怪藏昇平大慰憂天杞我來避地賣魚灣作

客他鄉夢故土干戈擾攘故人希得與君談不勝喜與

發高歌壯士行持書特贈奇男子

壬戌六月十四日接讀余氏姊手書感作五古一

章七十韻寄婺源浣川理源

我生六十年同母媵一姊不見再星終相去千餘里姊

在婺之川弟客江之汜亂後姊有家劫餘弟無址諸弟

皆分離身旁姬與子依婿石港居於茲兩載矣長女常

相見次女見不易次女從夫王瑞麟住伍伯塲相去五百里舉目非無親低

頭思故土夜夜夢還家時時念吾侶我身無羽翼焉能

凌風舉忽接吾姊書開函悲喜敘壬戌人日發六月十

四抵烽火正連天干戈方動地寂寞寄江鄉飄然一紙

墜上言探消息下言詢驕旅諳諳數百言誨誨無窮旨

弟心非木石一讀一揮淚縱能作達觀難忘此八字書來

云天涯淪落景况何如八箇字令人讀之不勝悽楚淪落在天涯眠食幸無異皆

緣于壻賢不以異姓視媼恤出誠心周旋艱難際其待

吾成兒教養恩兼備他日兒有成毋忘其高誼前年陷
賊中保全賴神鬼今日顧頭顱依然白髮在精神尙如
常意氣猶未改興到能吟詩揮毫連數紙對客喜長談
更僕仍未已似此皆壽徵姊聞應啟齒相見在何時約
畧二三載安徽賊已平江浙賊披靡金陵聞合圍丹陽
重兵堵上下賊不通滅賊期應邇江南克復後義興尋
玉女玉女泉在陽羨山中收拾殘田園決計歸桑梓彼時到姊家
細話家常事富貴等浮雲利名付流水兒輩蛇與龍聽
其自然耳諸生擇其賢遊山隨杖履吾姊聞此言笑我
說夢語世亂正無涯滔滔天下是天心雖厭亂人心尙

不古安危皆莫知誰能定安止不見今之賊南北如螻
蟻不見今之人如魚游釜底不見今之事朝秦而夕否
天地一浮萍聚散憑風使天地一沙鷗出沒波濤裏天
地一茅亭飄搖破風雨來日更大難明年在何許爰居
避風來黃鶴戒露至鐘鼓本無情輪軒非有意秋燕暫
棲梁賓鴻偶依渚時來各分飛南北不相聚所幸一芥
舟堂坳便可處生旣無所樂死亦無所苦繼志無遺恨
死生何足計先集傳人間碑帖留寰宇拙稿四十卷所
著新樂府一褒一貶中春秋意竊取後之作者出必目
爲詩史近作劫餘吟閱歷同杜甫流離困苦中不敢忘

君父區區一點心愧怍免仰俯餘皆身外物有無何足
數打破貪瞋癡看空老病死一笑去來冷消我一彈指
夏蟲難語冰井蛙難語海吾姊圓覺心聞言大歡喜勿
以弟爲憂手書望頻寄

績溪程竹庵茂才 秉釗 避地通州劉橋訪余石港

場長歌題劫餘吟作詩贈之

老顛來此一年餘終日閉門惟讀書寒蟬不識流離慘
聲聲聒耳鳴朝晡蹙然足音聞輒喜過訪魚灣竹庵子
同是天涯避地人相逢况復是桑梓竹庵生年二十五
作詩祇服李與杜長篇贈我千餘言氣如長虹力如虎

拙詩亂後多危苦爲人稱道新樂府承君題我劫餘吟

一唱三歎何悽楚君陷錢塘我陷吳八險出險皆殊途

避地崇州先我到萍蹤適合笑相呼君恩和靖喪梅鶴

我恨蘇臺走麋鹿風流雲散皆休談彙帖叢書供一讀

時以舊刻彙帖叢書古畫示竹庵可憐閩閩老詞人竹庵以吳蘋香香南雪北詞見示蘋

香不知處所也與吾儕共淪落吾讀序卦傳有感於聖言窮

大失居受以旅我輩寒儒豈其然胡爲顛沛乃至此回

視窮大仍如仙傷於外者反其家明夷故受以家人家

外俱傷反何處今困於石何所據損之不已故益之損

我田廬益我詩我詩不及君詩達君詩不似我詩悲其

聲非金亦非石彷彿豪竹與哀絲白傅樂府五十首寄
與唐衢爲哭辭我著樂府寄阿誰唐衢已杳善哭稀自
讀自悲揮淚浹天下後世自有知音鍾子期不顧權豪
忌但願 天子知 君民事物所關大豈是區區
爲文詞竹庵聞言笑口開老顛毋乃太顛哉大局自有
天安排一治一亂非人爲亂天下者天所差負乘致寇
爲民災死者長已矣生者命何依滔滔天下皆是也魚
游釜底洵堪哀得錢沽酒勿復疑忘形痛飲眞吾師維
摩非病病莊叟不才才形卽如槁木心應如死灰生老
病死窮與達有如寒暑晝夜相往來淚亦不必爲之落

心亦不必爲之摧蟬蛻天地亦何有白衣倏忽變蒼狗
朝觀木槿速榮枯夕見長星衝牛斗長星長星汝能靖
亂致太平我亦贈汝一杯酒時長星昏見於北世說亂後見長星息兵戈致太平
余曰善哉竹庵之知言達哉竹庵之樂天能使老顛拭
去湧泉之淚頓開春山之顏不問人間世不參文字禪
煮茗茗掃閒軒延竹庵於波羅蜜航之上座北莊齊名第三波羅
蜜航相對忘言而聽聲聲聒耳之鳴蟬

題丁松齋松鶴伴讀圖

君不見陶彭澤撫孤松而盤桓時還讀我書世事不相
干又不見庾蘭成警黃鶴之戒露家藏玉杯書寄小園

而作賦松齋好讀書撫松而警鶴小住狼山佳松鶴相
伴讀參天百尺仰松高清遠閒放羨鶴遨手不釋卷師

庾陶

我有書滿屋亦有鶴與松一朝西寇至散去如飄蓬山

中讀書圖

我有王子若所繪山中讀書圖自陳曼生錢

梅溪題引首以下百餘人題詠裝為巨卷西寇陷蘇城遂與數不知存與否避地賣魚灣一編長在

十圖冊同陷城中

予世間萬事皆子虛烟雲過眼何有無無何有鄉一場
夢何必書空咄咄唱烏烏不如乘松齋之鶴而從赤松

子遊乎

漢卿與其內子書有何修而獨享天倫之樂念及

此一腔煩惱俱化爲烟雲但歸思轉切耳此信
送外舅見之必鼓掌大笑也余閱之不覺有感
作詩四律寄之

人生何所樂至樂在天倫子孝婦方順姑慈媳自親和
平祥必致忠厚福咸臻俯仰能無愧碧翁相吉人

才爲人所忌理與勢難量入世多憂患保身宜退藏盡
心堪俟命緘口合觀光安步徐徐上崎嶇忘仄太行聲

一笑人間世茫茫何處家田園付烽火事業寄烟霞我
困三生石君停八月槎桃源如可覓好去種桑麻

中秋今又過兒女慶團圓月色有如此行人愁獨看雷

蚊須避噬風鶴屢驚搏

近聞鎮江被圍靖江有賊石港土匪拆傷捐局

夜半天

愁警聞之卧不安

中秋夜半滿天有聲如磨人謂之天愁主年穀不豐

寄懷王樸臣

炳 孝廉都中

亂離不得見夢寐時見之一紙忽飛到開函集喜悲

家携子去淪落憶天涯一字一泣下一字一珠遺還愁

寶契室舊藏付劫灰興言一及此令我心肝摧辛苦三

十年碑板如山堆一朝西寇至蹂躪棄草萊刊者為繼

志廢者屬天災我既竭心力天災安能回先集久已傳

自有續雕開心可對蒼天身聽天安排賊中不得死負

像過江來

辛酉正月從陽湖東洲村負先大夫遺像遺墨字畫書契携眷屬過江寄住通州石港北

莊子壻
寓中

餘生逃虎口
勲業望麟臺
少陵諸將詩
欲擬非其才
吁嗟今之
人流離真堪
哀黃鵠橫
四海燕雀
棲人籬
懷抱那得
申老至無
能爲論交
徧湖海王
郎真心知
鵬程九萬
里展翼摩
天奇下視
戒露鶴相
隔判雲泥
論文一尊
酒悵望在
何時親友
如相問劫
餘尙吟詩
多寄書數
封聊以慰
渴思

秋感和漢卿韻

落葉西風
宋玉悲
穉蘅刺滅
向誰之
那堪閉置
車中婦
豈數尋常
世上兒
天下斷無
才易達人
間惟有俗
難醫
江南春信
何時到
愁聽高樓
夜笛吹

不是楓林葉著霜秋山那得豔如粧有情未免憐芳草
無語何須戀夕陽簾外飛殘雙客燕風前舞瘦幾垂楊
登高最怕茱萸見翹首青天斷雁行

豈待言愁始欲愁我愁第一在松楸先人邱墓烽烟罨

陽羨田園鹿豕游鄉國春回花有信

梅源賊退

海天雲起屨

成樓千村萬落生荆杞雉水狼山幸有秋

一觴一詠靜局屣樂得天倫願未違失馬塞翁原是福
看羊蘇武幸言歸九秋風日憑蟬噪萬里雲霄待鶴飛
他日仲山勤補袞公餘便著老萊衣

次韻和漢卿報月湖兼投余之作

渾忘作客在天涯
獨自推敲到月斜
訪道南村携綠玉
邀朋東院看黃花
不貪李白三杯酒
好喫盧仝七椀茶
真箇夕陽無限好
半天燦爛映朱霞

六十述懷七疊前韻

電光泡影有何悲
萬里縱橫任所之
山水流連周甲子
乾坤獨立作男兒
思歸王子長爲客
病渴相如未廢醫
少時回首年時滄
海事一場春夢曉
風吹

孤松鬱鬱飽冰霜
閱盡秋山巧樣妝
樹種滿園傲金谷

余家星江蓋園陽羨花開一縣看河陽
嘉慶十七年先

雙溪草堂樹木甚盛方九歲隨侍
獅林四月歌黃海
余游黃山獅子林虎阜

任所八年力
力
力

三春賦綠楊

余作春柳詩四章和者百餘人皆知名士也

海內論交當日盛

而今零落不成行

中年多故不勝愁葉落空庭獨感楸先志告成兒亦老

先祖兩峰公先父梅麓府君詩文全集以及遺崇古今墨蹟皆已刊刻行世

天年未了藝還

游衡門也好三千客白嶽曾登十二樓萬首詩歌供覆

甌一生吟遍五湖秋

萬事灰心合掩扉渡江恨與故人違

蘇杭失守故人雲散

耆英漸

逐滔滔逝

故人如湯貞愍公戴文節公常蘭陔中丞包慎伯大令侯青甫徐伯宏兩廣文錢冬士銘

東屏兩觀察朱筱漚廉訪許荀仲姚子貞兩刺史李心畬孔宥函兩太守周韜甫秀才錢叔蓋徐迂伯黃狄士

王彥卿四布衣諸君或殉難或被盜或勞役各有千秋光爭日月矣游女休歌緩緩歸寸

草有心皆北向吟魂無夜不南飛去來今世一彈指還

我雲山舊衲衣

余前身是僧
屢見於夢

八疊前韻和西海五九述懷之作

苦海清涼何用悲浮來一葦且杭之地堪爲席天爲幕

梅好當

去聲

妻鶴當兒祇有朱顏容易改斷無傲骨可能

醫古人乞食傳佳話快把簫從市上吹

老幹從來不畏霜羣英誰敢鬪梅粧香飄最好浮明月

花落曾經點壽陽海內爭傳三絕鄭人間共慕四知楊

行高才雋真吾侶日著新詩數十行

縱酒難消萬古愁飄零怎不歎庭楸西湖風月思疇昔

東海烟波任釣游世似曇華現優鉢身如蜃氣幻層樓
似無似有成何用長嘯一聲天地秋
抱膝長吟不啟扉封侯有志歎今違普天多事幾時靖
四海無家何處歸境遇風狂兼雨驟胸懷魚躍與鳶飛
君詩彷彿我詩調暮齒流離兩布衣

十二疊前韻奉答陳筱山丁月湖見和之作

世亂紛紛信可悲憑誰舉手一援之未能好德如好色
那得養民同養兒滿眼烽烟遭浩劫傷心疾苦要良醫
幽芳細草枯憔悴甚幸遇春風著意吹

時會相國國藩統
兵殺賊大為得手

江浙可
望克復

元龍豪氣凜如霜清逸文詞肖古妝飛燕含泥營舊壘
冥鴻避地止衡陽人真快活知紅友才更超羣勝白楊
知己無多須鄭重洛神只得十三行

丁令仙乎本不愁才如快馬過長楸不貪名利偏貪隱
酷好詩書亦好游聞有崇山邀好友時觀滄海立飛樓

成山一撮休言小祠宇流傳萬億秋

范文正文信國二賢祠在山上

誰學黃庭守玉扉琴焚鶴煮世相違空餘三疊棊心在
記得前宵鶴夢歸桐樹難辭作薪爨車輪休憶掠舟飛
消愁除却吟詩外矯首青天看白衣

沈西海用王亦帆書感詩韻四章見投次韻奉答

兼酬亦帆

賦罷江南庾信哀詞多危苦氣雄哉六朝金粉鳥銜去
太古遺音琴送來面壁枯禪何自苦吟詩樂事喜人催
口頭語說皆名句不厭高聲誦百回

人生天地一虛舟逐浪隨波數十秋紅樹青山詩世界
烏啼月落酒家樓高歌能使鬼神泣出岫偏教猿鶴愁
十幅蒲帆須半挂風狂便可及時收

明朝冬至一陽生日逗微光雨乍晴東海大風吹地轉
北窗高枕覺神清蘧蘧蝶夢難尋影喔喔雞啼不住聲
經誦蓮華叅妙法文章安用使人驚

一邱一壑儘徜徉隨遇而安樂自長攻破愁城憑酒膽

消除苦海仗詩腸金多亂世徒為害亦帆詩云金盡愧存三寸舌學

到深時自不狂慙盡冰霜梅始放花魁香豔出清涼

張爨承師筠過訪北莊用其僻居固窮不寐書懷

四首原韻作詩奉贈卽以訂交

薄澣征塵掩板扉帶長方覺減腰圍異香五夜添紅袖

明月一池浸紫薇怕聽胎禽時獨唳貪看海燕慣雙飛

江鄉處處皆環水細數游魚長化機

人生何苦哭途窮好把船停待順風有室不妨為泛宅

無家聊且寄孤篷暢談風月尋詩客浩蕩烟波侶釣翁

五言詩卷二
相約賣魚便沽酒與酣同唱滿江紅

山中雪滿且酣眠春氣詩人覺最先酒不能賒思戒飲
書無可借著成篇空諸所有堪逃佛無可如何要學仙
不食人間烟火食一家眷屬共延年

老抱青蓮萬古愁輸他農圃事西疇空談劍鋏縱無策
苦守硯田終有秋漫歎紅羊爲此劫盍同黃鶴極其游
人間何世君休閒把臂魚灣上釣舟

張師筠明經和余六十述懷詩卽用其示疾漫成

回村移家四首原韻作詩奉酬

舍命詩人美不渝此君才力豈孱懦從無我相兼人相

略有詩逋與酒逋好句時來安用釣脩名自立不須沽
世間何物非朝槿祇算菩提永不枯

少陵老病騰孤舟詩卷居然天地留歷劫不磨身卓立
引人入勝意清幽君真靜者心多妙我假閣浮力破愁
十二因緣叅已了如如不動任風道

行路而今更覺難家鄉回首杳雲巒天年有限憂真謬
地步無多退則寬與物相忘爲物化覓心不得卽心安
千紅萬紫今何在一樹梅花耐歲寒

詩社何妨載酒從

東坡句

筮之必吉斷無凶筆花燦爛光

千古意境巉巖深萬重閒似兒童鬪百草嚴如旗鼓戰

三冬笑余老拙偏高興吟詠勤於夜半春

壬戌仲冬張君師筠招飲魚灣酒店得詩四章贈
之

家擲塞翁馬人猶老子龍酒狂輸李白痴癖笑劉邕一
飲醉千日四愁消半鍾文君隨處有何必問臨邛

時危多隱者豈乏相如哉靖節引壺至劉伶荷鍤來百
年過轉瞬萬事讓持杯歌聽同聲罷張衡是豔才

高陽老酒徒市上有人呼年已閱周甲心常雄萬夫春
秋詩竊取身世鬼挪揄柯竹爨桐在知音德不孤

與君初把臂恍若醉醅醪詩社名居右陽春曲最高簫

韶遺太古箏笛覺喧嘈酒店歡今夕他年夢想勞

論詞有感

詩爲心之聲詞乃詩之餘意內而言外立言宜藹如端
莊必流麗鄙俗原空疎美人與香草寄托豈可無要得
風騷雅無爲巴里麤托物以言情胸懷藉以摠聲律本
天籟何必爲之拘正變開氣運南北宋殊途曉風殘月
柳銅琶鐵板蘇各自寫性情高妙誰能摹肥瘦各有態
燕環絕代姝乃敢置憎愛伊人真無矚奈何後世人填
詞習垢汙其藝不可道其心是何居命意在誨淫汗下
爲時趨閱者三日惡作者方歡娛竟使大雅堂羅列一

羣狐不顧墮地獄剗心斷舌乎少年佳子弟一讀心便
渝東書高閣置越禮東墻踰身名同一裂淫詞禍其初
不如不識字免得彌天辜無怪秦始皇焚書坑僞儒

次韻和西海紀游彭莊之作

君正浮家我泛宅同是天涯淪落客海國羈棲兩癡伯
天爲幕兮地爲席不羨人家一舟麥喜共良朋浮大白
何須博極羣書籍古人糟粕皆陳迹任憑著作如山積
楚人一炬真快適痛哭窮途笑阮籍人生有情何脉脉
得錢沽酒傾琥珀卽管今夕是何夕盈頭白髮相催迫
莫負天青與海碧虛舟一葉何時泊網鱗繩束須早釋

勝游快著謝公屐

爲張師筠明經畫柯山勝游圖并題四絕句

鑑湖湖水縹秋風雲白山青樹燦紅爲寫勝游頗點染
全家長在畫圖中

佛寺星巖我欠游昇平恨未泛扁舟不知懸擬爲圖畫
略似廬山真面不

君如柯竹遇知音我亦爨桐誰作琴畫到柯亭難下筆
無窮感慨集予心

他年停棹鑑湖濱重訪前游定愴神白髮青山依舊好

題詩不見沈夫人

尊嫂沈夫人仙游六年矣故并及之

劫餘詩選

卷二

五